
MOSENHER EN PEIRE, REIS D'ARAGO; PEIRE
SALVATGE; LO COMS DE FOIS.

" 7225-6.

PEIRE Salvatg' en greu pessar
Me fan estar dins ma maizo
Las flors que sai volon passar,
Senes guardar dreg ni razo.
Don prec aicels de Carcasses
E d'Agènes,
Et als Gascos prec que lot pes
Si flors me fan mermar de ma tenensa :
Mas tal cuja sai guazanhar perclo,
Que perdos l'er de gran perjudicio.

E mos neps que sol flors portar
Vel cambiar, don no m sap bo,
Son senhal; et auzem comtar
Que s fai nommar rei d'Arago.
Mas cui que plass' o cui que pes,
Los meus jaques
Se mesclaran ab seus tornes,
E volha dieus que'l plus dreituriers vensa;
Qu'ieu ja nul temps per bocel de Breto
No laisserai lo senhal del basto.

Si midons quez a cors cortes ,
Ples de totz bes ,
Salvatge , valer mi volgues
E del sieu cors me fes quelque valensa ;
Per enemics no m calgra garniso ,
Ab sol qu'ieu vis la sua plazen faisso.

RESPOSTA DE PEIRE SALVATGE.

SENHER , reis qu'enamoratz par
Non deu estar ab cor felo
Contra flors , ans deu arbitrar
Com posca far al bon resso
Culhir las flors en aquel mes
On l'estiu es
E las flors naisson plus espes :
E'ls culhidors sian d'aital valensa ,
Qu'en poig ni plas , en selva ni boisso
No l'aisson flor de sai Monmelie.

Lo COMS DE FOIS.

7225.

MAS qui a flor se vol mesclar
Ben deu gardar lo sieu baston ,
Quar Frances sabon grans colps dar
Et albirar ab lor bordon.
E nous fizes en Carcasses
Ni en Genes ,
Ni en Gascon , quar no l'amon de res
De pos vas mi ai feita la falhensa.
En breu de temps veirem nos Brogoignon
Cridar Monjoi ; el criden Aragon.